

С о л у н я н е

Рцы убо, господине, нам к сему дорогу,
Како поклонимся в троице единому богу.

Д и м и т р и й

Сице выя смиренны наша преклонемо,
Пред тым до лица земли все купно падемо.

С о л у н я н е

Еще молим, научи бога почитати,
Учи чим немощное сердце утверждати.

Д и м и т р и й

Лице всяк чистым сердцем хошет бога знати,
Да изволите от мене сим словам внимати.
Ижо хошет спастися, прежде всех подобает ему держати
кафолическую веру.

л. 15 об.

С о л у н я н е

В словах ти наше сердце себе углубило,
Яже глаголал еси приятно и мило,
Богу в троице единому вси ся поклоняем,
Во иконе изображенна, того лобызаем.

Д и м и т р и й

Рцыте к тому молитву, всем верным спасенну.

С о л у н я н е

Рцы, и мы со тобою речем немедленну.

Д и м и т р и й

Рцыте, убо со мною православно рцете,
К господеву вашему сердца отворете.
Отче наш иже еси на небесех и проч.
Еще божию мать деву пречисту
Почтем во иконе сей зде сущую исту.
Богородице дево, радуйся и прочая.
Изволение мое ваше совершимо,
Символом православному веру утвердемо.
Символом основание в вере превелице
Дванадесятчастие глаголется сице.
Верую во единого бога отца и прочая.
Бога и богомать и святых имена,
Да прославляют в веки вся земна племена.

л. 16

Я в л е н и е 5 - е

В е р а п р а в о с л а в н а я

Яже прежде от злобных бех уничиженна,
Неверных есмь от верных днесь возвеличенна,
Вера православная, юже святу мнете,
Через ту словесам и святым христовым внемлете,
Вам да помоществует; аз тех созываю,
Яже на то избранныи, к себе тех глашаю,